

## Доржу Монгуш Баянович



Монгуш Доржу 1939 чылдың ноябрь 10-да Өвүр кожууннун Солчур сумузунга төрүттүнгөн. 1958 чылда Хандагайты ортумак школазын дооскаш, Өвүрнүн комсомол райкомунун секретарына ажилдап эгелээн. Москваның А.М. Горький аттыг литература институтун 1967 чылда дооскан. Ол – ук институттун бирги тыва доозукчузу.

Өвүр кожууннун школаларына дыл, литература башкылап, «Шын», «Тываның аныяктары», «Сылдысчыгаш» солуннарга корреспондентилеп, Республиканың А.С. Пушкин аттыг национал библиотеказының чурт-шинчилеп килдизинге болгаш Республиканың улусчу чогаадылга төвүнге ажилдап чораан.

Монгуш Доржунун ажы-төлү база төлептиг кижилер болганнар. Оолдары адазының соон салгаан. Муслим Доржу филология факультетин дооскан. Назым Доржу КТРК «Тывада» диктор, журналист кылдыр ажилдап чоруур.

М.Доржу 1992 чылда мөчээн.